

RIBEIRA CONCILIA. PROGRAMA DE ACTIVIDADES MUNICIPAIS PARA A CONCILIACION FAMILIAR 2025

CAMPAMENTO URBANO CONCILIA XOGANDO – PRIMAVERA

BASES REGULADORAS DA ORGANIZACIÓN DA ACTIVIDADE

1) Data, prazas, lugar, e servizos:

A actividade realizarase en espazos onde se proporcionará acollemento e actividades de carácter lúdico-educativo, a grupos de menores entre 4 e 12 anos. En particular poderán acceder a esta actividade aqueles/as menores que no ano actual cumpran os 4 anos ou estean cursando primeiro de educación infantil. Campamento urbano con servizo de madrugadores e comedor (o pícnic ou comida teno que achegar cada familia).

Datas: 14,15,16 e 21 de abril de 2025

Horario: Actividades de dende as 08:30 h e recollida ata as 16:30 h.

Participantes: 40

Lugar de celebración: CEIP O GRUPO e outros espazos da contorna.

Destinatarios: Nenos e nenas nados **de 2021 a 2013** -escolarizados e sen cueiro-.

2) Criterio de selección das persoas participantes en servizos de coidados/actividade CAMPAMENTO URBANO CONCILIA XOGANDO – PRIMAVERA:

- Programa do Plan Corresponsables no ámbito local da Xunta de Galicia (deberá terse en conta os criterios establecidos no artigo 6.1 do) DOG núm. 25 xoves, 6 de febreiro de 2025 .Consellería de Política Social e Igualdade pola Orde do 3 de xaneiro de 2025, pola que se establecen as bases reguladoras das subvencións ás entidades locais da Comunidade Autónoma de Galicia para a Promoción da Igualdade, de forma individual e mediante o sistema de xestión compartida, cofinanciadas parcialmente pola Unión Europea no marco do programa FSE+ Galicia 2021-2027, e se procede á súa convocatoria para o ano 2025.

Criterios de prioridade :

- 1. Vítimas de violencia de xénero en calquera das súas formas
- 2. Familias con ambos os cónxuxes traballadores, ou monoparentais traballadores durante ese período
- 3. Unidades familiares nas que existan outras cargas relacionadas cos coidados (persoas dependentes, ingresos hospitalarios, persoas coidadoras de dependentes.)
- 4. Mulleres en situación de desemprego, mulleres maiores de 45 anos
- 5. Ingresos económicos da unidade familiar (familias con renda inferior a 3 veces o IPREM).
- 6. Familia numerosa
- 7. Persoas con discapacidade na unidade familiar
- 8. Persoas en risco de exclusión social



- 9. Por rigorosa orde de inscrición segundo o número do rexistro.
- 10. Empadroados noutro municipio.

Os/As fillos/as das familias que reúnan algunha das seguintes condicións ou circunstancias, e así o acrediten previamente no momento da preinscrición mediante a presentación dos documentos pertinentes (non serán acumulativos no caso de darse máis dunha circunstancia):

- Familias que teñan a obtención do *título de familia numerosa*.
- Familias *acolledoras ou monoparentais* que o acrediten documentalmente co certificado oficial.
- Familias con dous ou máis inscritos/as nesta actividade
- Familias nas que, ao menos, un dos seus membros sexa *desempregado/a de longa duración* (que teñan acreditado un período de inscrición ininterrompido como desempregados/as na oficina de emprego de 180 días).
- Familias nas que o propio participante acredite unha discapacidade de ao menos o 33% (acreditando tal condición co certificado de discapacidade).

Admisión de participantes con diversidade funcional:

As persoas que teñan unha discapacidade igual ou superior ao 33% poderán participar nesta convocatoria cumprindo os seguintes requisitos:

- Facer constar a súa condición no impreso de solicitude, co fin de planificar os apoios persoais necesarios, se os precisara.
- Presentar o certificado oficial de grao de discapacidade no momento da solicitude e que nel non se recolla a necesidade de axuda dunha terceira persoa.
- Ter capacidade de integración nun grupo e que as súas limitacións e/ou necesidades especiais lles permitan participar e beneficiarse das actividades que se van desenvolver.
- Non presentar trastornos que poidan alterar a convivencia durante o transcurso da actividade.
- Ter unha capacidade mínima de comunicación e de participación nas actividades que se van desenvolver.

3) Prazos e forma de presentación de solicitude:

Ábrese un prazo de preinscrición do 01 de abril ao 08 de abril (incluídos os dous).

As solicitudes faranse a través do Rexistro Xeral do Concello de Ribeira:

- **De maneira presencial** nas instalacións de servizos sociais –Praza oito de marzo 2c-baixo (edificio residencial Padín), atención ao público de 9.00 h a 14.00 h, presentando a ficha de inscrición cuberta, folia de autorización e a copia do DNI de quen vaia participar e do pai/nai/titor.
- **De forma telemática** (necesario certificado dixital) a partir das 9:00 h do primeiro día de prazo a través da web www.ribeira.gal no seguinte apartado –sede electrónica– trámites destacados –solicitude da actividade. Deberase tramitar a solicitude de carácter xeral e axuntar a ese procedemento a ficha de inscrición cuberta, folia de autorización asinada, copia do DNI do participante e do pai/nai/titor así como o resto da documentación obrigatoria.

4) Documentación OBRIGATORIA necesaria para realizar a solicitude e xuntar á solicitude:

- Ficha de inscrición debidamente cuberta (Anexo I).
- Autorización de participación debidamente cuberta (Anexo II).
- DNI ou folia do libro de familia correspondente ao participante.
- DNI do pai/nai/titor responsable.
- Certificado de empresa (si corresponde, de cada proxenitor) ou declaración responsable no caso de autónomos, para ter en conta o criterio da prioridade na admisión (se non se



presenta coa solicitude non se terá en conta e non poderá ser emendado cara ao criterio de prioridade na admisión).

- Deberá presentar ademais copia da documentación acreditativa: título de familia numerosa, certificación de familia acolledora, certificación de discapacidade, certificación de monoparentalidade, acreditación de desemprego de longa duración, etc.

Listaxes de admisión e agarda:

As listaxes de admisión, agarda e vacantes publicaranse o 10 de abril. As listaxes publicaranse na páxina web do Concello de Ribeira, www.ribeira.gal e taboleiro de web. Tendo en conta a protección de datos de carácter persoal, na lista publicárase o nº de rexistro de entrada da solicitude.

Se quedasen solicitudes en agarda iranse cubrindo as baixas por orde de inscrición segundo a listaxe de espera. Nestes casos o departamento de servizos sociais contactará previamente co solicitante para comunicarlle dita circunstancia.

Se quedasen prazas vacantes dispoñibles, poderanse facer novas inscricións dos xeitos anteriormente citados nos prazos a determinar pola Concellería de servizos sociais, sendo cubertas as vacantes por rigorosa orde de solicitude.



FIRMANTE - FECHA

